

**Corpus Juris Canonici, Per Regulas Naturali Ordine  
Digestas, Usuque Temperatas, Ex Eodem Jure, Et  
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac  
delectu, in contrariis conciliatione, eximium, simulque Indicibus ac  
Præfationibus, Notisque quamplurimis & exquisitis illustratum, ; In Tres  
Tomos divisum

Complectens Prolegomena Ad Jus Canonicum In Se Et Universim  
Consideratum

**Gibert, Jean-Pierre**

**Coloniæ Allobrogum, 1735**

Cap. VIII. Observationes in Collectionem Septimi Decretalium ad calcem  
Extravagantium Communium Editioni Lugduni anni 1661. insertam, &  
maximè in Concilia, quorum Decreta in ea continentur.

---

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

*Summa* dat singularum partium sensum. 9. Quando Textus res alienas continet, aut non congruas, id monet *Summa*, quae eligit partem Titulo congruam; quod significat per haec Verba *quoad Titulum*. 10. Quoad prolixos Textus, valde laborem, quem Lector in iis absque auxilio legendis, pateretur, imminuit *Summa*. 11. Quando Textus plura continet invicem non coherentia, *Summa* illam varietatem sepius advertit.

Tot ac tam varia commoda, quæ procurant *Summae*, commendant eorum enumerandorum operam, atque ostendunt, utilissimum futurum fuisse, si ceteris Collectionibus, quæ iis carent, inserta fuissent *Summae*, atque in illis omnibus Collectionibus, quæ iis instructe sunt, ex pari cura confecte fuissent, atque illæ, quæ tribus Collectionibus superiori laudatis infesta sunt.

Quod diximus de *Summis* duarum Collectionum *extravagantium*, scilicet, earum Autores ignorari, neque eorum aliquem nominari, repetendum est circa *Summas* Canonum à Gratiano collectorum. Non omnes Canones ejus operi insertis *Summis* instruuntur. Paucissimæ sunt in *Canonibus*, qui continentur in *DISTING. VII. de Pénitentia*, longè pauciores præfiguntur iis, qui Decreto additi sunt a PALEA, Discipulo *Gratiani*, & qui à ceteris distinguuntur per hanc inscriptionem *Palea*.

Canones *Pénitentiales* & Canones *Apostolorum* ad Decreti calcem siti, *Summis* etiam carent.

### CAPUT VIII.

*Observationes in Collectionem SEPTIMI DECRETALIUM ad calcem EXTRAVAGANTII COMMUNIUM, Editioni Lugdunensi anni 1661. insertam; & maximè in Concilia, queruntur Decreta in ea continentur.*

**C**ollección hæc, opus est viri privati, cui nomen, Petrus MATTHÆI J. C. Lugdunensis, facta fuit ad supplendum ea, quæ à Corpore Juris absunt à SEXTO IV. ad SIXTUM V. scilicet *Bullas* Pontificum, & Decreta Conciliorum in illo intervallo habitorum. DOUJAT, qui de ea loquitur, *Prænotionum Lib. IV. Cap. XXVI. n. 2. 3.* eam plurim vitiiorum gravissimorum arguit: præter quam quòd enim autoritate publica defituitur, Titulus ineptus est, magisque conveniret Collectioni CLEMENTIS V. quæ SEXTUM *Decretalium* immediate sequitur: Collectio subsequens ob eandem rationem Octavus *Decretalium* nuncupari debuisset. Collectio Extravagantii Communium, NONUS esset Liber; & sic Collectio Matthæi, DECIMI tantum *Decretalium* nomen acciperet. Præterea, inquit DOUJATUS, Autor neque Librorum, neque Titulorum ordinem fecutus est, in Collectionibus præcedentibus obseruatum, plureque novos inseruit, quorum plerique ad aliquem è Titulis *Decretalium* referri potuerint: denique, omnibus ritè discussis, apparet, illam utilia Decreta omisisse, ac minus necessaria collegisse.

Vitia à DOUJATIO in illa Collectione observata, neque sola sunt, neque omnium gravissima. Nam Author Conciliorum Decreta referendo, omittit indicationem loci specialis, unde desumpta sunt, scilicet *Sessionem* & *Capitum*. Decrera quoque Pontificum sèpè occurrit sine laudatione loci, à quo accepta sunt. Quamvis consilium operis sit colligere Canones, Decretales, Decreta &c. *Sexto IV.* posteriora, multa tamen referuntur à Pontificibus anterioribus profecta, scilicet *Innocentio IV.* *Alexandro IV.* *Urbano IV.* *Nicolaio III.* *Honorio IV.* *Bonifacio VIII.* *Clemente VI.* *Urbano VI.* *Martino V.* *Eugenio IV.* *Nicolaio V.* refe-

runtur etiam Constitutiones Imperatorum, *Sexto IV.* Anteriorum, nempe *Friderici*; vel præ ceteris Titulo de Heret. *Lib. V.* perturbatur ordo Temporum, in dispositione *Decretalium*, aut Constitutionum Pontificiarum sub eodem Titulo. *Gregorius XIII.* aliquando *Pio V.* aliquando *Clementi VII.* præponitur. *Pius V.* ante *Clementem VII.* nonnunquam coloratur. Videtur solùm egile de Conciliis *LIB. III. Tit. VII.* ad referendum in eo *Decretum Concilii Lateranensis V.* adversus *Pragmaticam Sanctionem* sub *CAROLO* factam: Autor tamen Gallus est, & in mediis Galliis opus elucubravit, illudque edidit sine ullâ notâ, quæ doceat, opinionem de Superioritate Papæ super Concilium Generale, in illo Decreto assertam ac probatam, esse contrariam Sententiæ totius Regni, ubi Doctrinam oppositam à Conciliis *Constantiensi* & *Basileensi* confirmatam, ceteraque eorumdem Conciliorum Dogmata, amplexi sumus.

Refert *LIB. II. Tit. IX. de Appel.* *Decretum PII II.* in Conventu, seu *Synodo Mantuana*, contrà Provocationes à Pontifice ad futurum Concilium Generale, ann. 1459. *Decretum* hoc apud nos reprobatur, & quodcumque adversatur iis *Appellationibus* hoc in Regno vigentibus, juxta doctrinam Conciliorum *Constantiensis* & *Basileensis*. *Ibidem* c. 2. refert Constitutionem *JULII II.* illius *Decreti* confirmationem.

Refert quoque *LIB. V. Tit. IX.* *Summam Bullæ*, in *Carâ Domini* non recepta in Regno; refert, inquam, perindè ac si accepta foret. *Idem* facit *LIB. III. Tit. XVI. Cap. I.*

Unum *Titulum de Annatis* inscribit *LIB. II. Tit. III.* ubi *Septem Decreta Pontificum* in gratiam ipsarum refert, circè obligationem eas solvendi, pœnaque Excommunicationis & Depositionis continentia adversus recusantes; quamvis in Gallia damnata sint. Decreta hac Autores habent Pontifices *INNOCENTIUM VIII.* *CLEMENTEM VII.* *JULIUM III.* qui Decreta *JULII II.* renovat; postremum à *PIO V.* conditum est. *Tit. III. LIB. III.* agit de *Spolis Clericorum* Pontifici reservatis; circè hoc refert Decreta Pontificum *PAULI III.* *PII V.* *GREGORII XIII.* & *PII IV.* duobus præcedentibus anterioris.

Reservatio hæc in Gallia reprobatur, sicut alia, de quibus agit *Tit. II. LIB. I.* circè quas refert *Quinque Decreta Pontificum PAULI III. PII IV. GREGORII XIII. PII V. CLEMENTIS VII.* ubi quoque Temporum ordo invertitur. Hæ reservaciones ad Beneficia pertinent. Decretum *Primum* fert, Beneficia Sancte Sedi reservata ipsi semper adfectari, ejusque dispositioni manere obnoxia; quod excludit Devotionem, quæ tamen in multis casibus habet locum, *Secundum* fert, Cameram Apostolicam frui Beneficiorum illorum redditibus, à die vacationis usque ad diem provisionis. *Tertium* omnia Beneficia per erimen hæresis vacatura, Pontifici reservat. *Quartum* idem sancit de Beneficiis datis personis, propter genus, aut hæresim aut à fide defectiōnem, prohibitis. *Quintum*, Provisi de Beneficiis reservatis Sedi Apostolica, ejusdem autoritate insciā, mala fidei Possessores declarantur.

Ultimum hujus Collectionis vitium est, quod nulla ferè sit Argumentorum unius-cujusque Libri connexio; quod ita evidens est, ut quilibet id ex sola *Indicis* inspectione percipere possit.

Paucia Concili Tridentini Decreta refert Autor, præ copia eorum, quæ plerique Operis sui Titulis inferre potuissent. His Decretis Constitutiones Pontificias præfert, eas illis substituendo. Nullum retulit Decretum circè Sacraamenta generatim, aut speciatim considerata; nullum circè Justificationem. Abstinuit similiter à Canonibus Doctrinam spectantibus, in alio quolibet Argumento. Forstian putavit Decreta Conciliorum Generalium huic Collectionum generi minùs convenientem, quā Pon-

Pontificias Constitutiones, quia hæc *Decretalium* nomine decorantur. Si sic opinatus est, aliter quam Autores *Collectionum* precedentium sensit, qui ipsis omnia inferuerunt *Decreta Conciliorum* in intervallo ab una ad aliam elapsi habitorum; aut omnium, quæ per totum tempus, cuius Canonis colligebant, celebrata fuerant. Dici nequit, ipsius excusandi gratia, *Decreta Conciliorum* laudatis *Collectionibus* inserta, spectari posse velut opera Pontificum, qui ipsis per se interfuerunt, atque idcirco eorum nomine inscribi, ut factum est in illis *Collectionibus*: at *Decreta Tridentini*, cui Pontifices, per se non interfuerent, non posse iisdem tribui; subique eorum nomine referri. Nam satis amplam autoritatem exercuerunt Pontifices in Concilio, ut ipsis tribui valeant *Decreta* & eorum nomine inscribi. Itaque huius laudationis loco, PIUS IV. aut V. ex Concilio Tridentino aut GREGORIUS XIII. satis appositis *Decreta* laudare potuisset, sub nomine Pontificum, sub quorum Legatis ea facta sunt, juxta Regulam 72. de Reg. Jur. in 6. qui facit per alium, est perinde, ac si faciat per se ipsum. Hanc si methodum fecitus fuisset, omnia *Decreta Concilii Tridentini* *Collectione* sua inferuerunt potuisset, servato ordine *Collectionum GREGORII IX. BONIFACII VIII. CLEMENTIS V. & Extravagantium.*

Nullum est, quod ad aliquem ex Titulis illarum aptè referri non posset; ut patet ex Indice illorum *Decretorum* juxta hunc ordinem facto à BARBOSA; & in pluribus illius Concilii Editionibus excuso. Sic opus magis Commendabile evasisset, favorabiliusque receptum fuisset; siquidem in eo reperta fuisset. Collectio valde commoda *Decretorum* illius Concilii, quæ usum ipsorum faciliorem fecisset omnibus, qui juris Canonic studio vacant: hoc autem eò utilius fuisset; quod illius Concilii *Decreta* sunt Pars insignis Juris Communis, sive quia derogavit multis Textibus illius, sive que sua *Decreta* illis substituit, (hæc *Decreta* collecta sunt in tractatu de Religiosis, de Dispensationibus, de Exemptionibus, de Beneficiis; eadē serie continua collegit Doujatus; in suis Notis in LANCELOTUM) sive quia quosdam renovavit, & nominatio confirmavit; hi in multis Editionibus Concilii Tridentini collecti fuere suntque plusquam viginti, & singuli valde graves.

Denique Autor hanc viam sequens, coactus non fuisset ex cogitare novum modum inferendi *Collectioni* sua *Decreta Tridentini*; de qua supra egimus; novam dicimus, quoniam Autores *Collectionum* precedentium eā nūquam usi sunt. Monitum huic *Collectioni* præfixum docet, eam Cardinali CAJETANO dicatam fuisse, subque ejus Aufpicis excusam. Doujatus loco laudato Prenot. n. 2. docet, eam promissam fuisse in Epistola; quam idem Autor Petrus MATTHÆI ad SIXTUM V. misit; circa Epitomen Constitutionum Pontificiarum, & rerum in Ecclesiâ Romana à GREGORIO IX. ad SIXTUM V. gestarum; eam autem paulò post *Lugdunum* editam fuisse. Itaque, cum SIXTUS mortuus sit an. MDXC. atque Editio CORPORIS JURIS *Lugdunensis* anni MDCLXI, prima sit, cui hæc *Collectio* inserta fuerit, jam lxx. anni circiter fluxerant ab ejus prima Editione, cum in Corpore Juris excusa fuit:

Doujatus ibid. n. 1. refert SIXTUM V. *Collectionem* similem sub nomine Septimi *Decretalium* edendam, meditatum fuisse, novemque Viros ad hoc opus elegisse, (quorum nomina referuntur à DD. PITOU cum Dignitatibus officiis vè singulorum, sub finem *Synopsis Collectorum Canonum & Decretorum*, quæ est in Editione Corporis Juris eorum nomen gerente) quibus nominatis, idem Doujatus afferit minimè constare, an ille Septimus *Decretalium* unquam editus fuerit. FAGNANUS in cap. II. de *Juris dicitis*, n. 61. illius *Collectionis* historiam tradit, atque exponit causam, ob quam suppressa fuit, postquam facta, atque etiam excusa fuerat. Hinc, inquit, consideratum fuit, *Septimum Librum Decre-*

*taliū*; àuctoritate Sedis Apostolicæ compositum, Corporis Juris Partem fore; iniquam autem vel absconam fore prohibitionem faciendo *Glossas* in hanc Partem, postquam concessa fuit libertas glossandi ceteras, licet *Decreta plurim Conciliorum Generalium* continerent; nempe *Lateranens. III. & IV. Lugdunens. I. & II. & Concilii Viennensis*: indè vero PIUS IV. sub gravibus penis inhibuisse; ne quis faceret *Glossas* in *Decreta Concilii Tridentini*. Narratione, eorum quæ gesta sunt circa Compilationem hujus *Collectionis*, multas res docet à DOUJATIS & DD. PITOU omislas; aut aliter, quam scripserunt, gestas. I. Refert GREGORIUM XII. primum esse ejus consilii Autorem & executionem ipsius mandavisse Cardinalibus Flavio, Ursino, Franciso Alciato & Antonio CARAFA, ipsumque multa circa hæc scripsisse; & monita dedisse, sed hoc ante operis absolutiōnem morte p̄occupato SIXTUM V. ejus Successorem, continuationem commississe Cardinalem PINELLO, eique Socios dedisse Cardinales ALDOBRANDINUM, MATHÆO COLUMNA: Sixto autem mortuo Aldobrandinum Pontificem factum fuisse, sub nomine URBANI VII. & promotis ad Cardinalatum tribus Prælatis Congregationis ad hoc opus institutæ, nempe Lucio SACO, Laurentio BRANCHETTO & Pompeio ARRIGONIO; absolutam fuisse exeunte an. MDXCIII. electionem & recensionem omnium, quæ in *Collectionem* ingredi debabant: tūm hesitatum fuisse, an Canonis Conciliorum Florentini & Tridentini circa Dogma, inferuerent, ideo quod in *Collectionibus* praecedentibus pauci forent ejus generis Textus; sed diligenter tractatu habito, conlulum fuisse, illos esse inferendos; & distributam fuisse in *Quinque Libros*; sub Titulis congruis Canonum collectorum Congrierem, continentem quidquid per Triā secula decretum fuerat. Hæc autem perfecta fuisse an. MDXCVIII. verū cum Liber sub nomine Septimi *Decretalium Clementis VIII. excusus*, moxque publicandus esset, emersisse difficultatem, quam supra exposuimus. Abstinebimus ab observando discriminē hujus Historiæ, à narratione DOUJATIS & DD. PITOU. Dicere sufficiat FAGNANO plures occasiones, & maiorem facilitatem ad percipiendam horum Factorum veritatem fuisse, quam illis; cum factus fuerit à Secretis Congreg. Concilii Interpretis, à PAULO V. an. MDCXX. mortuo, atatemque reliquam valde diuturnam transfegerit in Muneribus magnam rerum Canonistarum notitiam reuirēntibus. Epitome ejus vitæ in fronte Editionis Colon. 1704. hæc testatur.

### CAPUT IX.

*Observationes* circa Epistolas aliave Acta falso Pontificibus quatuor priorum Seculorum adscripta, & nonnullis posteriorum Seculorum usque ad Saculum IX. inclusivæ.

### SECTIO I.

De FALSIS DECRETALIBUS IN CORPORE JURIS laudatis.

**S**uppositionis illarum Epistolarum Argumenta conservere hæc non intendimus; plures Eruditæ id jam ac multò luculentius, quam nos possemus, præstiteræ. Annotare solum volumus quod scitu magis est necessariump, certa ab incertis fecernere; & vita quorundam ratiociniorum, circa hanc rem detegere.

E Viris Eruditis & non p̄occupatis plerique consentiunt, Epistolas nomen Pontificum SIRICIO anteriorum gerentes esse suppositias, huiusque suppositionis argumenta firma existere. Consentient quoque fraudem similem multos Pontifices SIRICIO posteriores attigit.

Eas Epistolas in nullo Autore, ISIDORO Peccatori, vel Mercatori nuncupato anteriori, reperiūt, confitit,